



Inatsisartunut ilaasortaq Aleqa Hammond, Siumut
/Maani

Angallatit pisoqalisut sequtserneqarnissaannut tapiiffigitinnissamut periarfissaqarnissamut saattussanillu aalisartut pillugit § 37 naapertorlugu Naalakkersuisunut apeqquteqaat nr. 2011-128-imut akissut.

Inatsisartut suleriaasianni § 37 naapertorlugu saattussanik aalisartut periarfissanik allanik tunniussisoqarsinnaanera kiisalu angallataasa pisoqalisut sequtserneqarsinnaanerinit tapiiffigitinnissaaneq pillugu apeqquteqaatinik saqqummiussisimavutit. Apeqquteqaatit uannut akisassanngorlugit innersuutigineqarsimapput.

Naalakkersuisunut apeqquteqaatit:

1) 2009-mut aammalu 2010-mut avataani assangiarsunnik aalisarsinnaanermut akuersissutaatillit 2011-mi assangiarsunni aalisarsinnaanermut akuersissutinik tunineqassanngillat, tamanna Naalakkersuisut peqqusinerat naapertorlugu pivoq. Naalakkersuisut allamik aalisarsinnaanissamik qanoq tikkuussiniarpat?

2) Selskabitut ingerlasut akiitsui pisasseqqinnissamut utaqqinaviannngitsut akilersorniarlugit akiliisinnaajunnarsikkumagit Naalakkersuisut qanoq iliuseqalersaarpat?

3) Aalisariutinik aserorterisinnaanermut periarfissaq 75 brt-mut killilimmut tunngatillugu qulequtaanut taaneqartunut akuersissummik tunineqanngitsunut atuutilersinneqarsinnaanera Naalakkersuisut pilersaaruteqarpat?

Akissutit:

Ilisimatitsissutigisinnaavara, 2011-mi saattussanik aalisarsinnaaneq pillugu biologit siunnersuutaat Naalakkersuisunit malinneqarniarmata. Siunnersuutit taakku naapertorlugit avataasiorluni saattussanik aalisartoqassanngilaq, taamaattumillu avataasiorluni aalisarnissamut tassunga 2011-imi pisassiisoqanngilaq.

Sinerissap qanittuani Qeqertarsuup, Sisimiut, Maniitsup, Nuup, Paamiut, Narsap Qaqortullu eqqaani saattussanik aalisartoqarsinnaavoq. Aalisartut, 2007-imiilli saattussanik aalisarsimasut, 2011-mi tamakkuninnga aalisarnissaminnut akuersissummik tunineqarsinnaapput.

Aalisartut ukiut siuliini pisassiissutaasimasut annertoqataannik pisassinneqarsimanngitsut allatigut aningaasarsiorsinnaanissaat eqqarsaatigalugit isertititat ukiumiit ukiumut allanngortarsinnaanerat aarleqqutaajuartarpoq, tassanimi apeqqutaasarmata aalisakkat assigiinngitsut eqqarsaatigalugit qanoq annertutigisumik amerlatigisumillu pisassinneqarsimaneq. Alisartut inuussutissarsiorlut allat assigalugit ukiumut isertitassatik siumut qulakkeereersinnaasannngilaat. Akit aningaasarsiornikkullu pissutsit allanngornerisa imaluunniit pisassiissutit allanngornerisa

17. jun 2011
Suliapnr. 2011-051268
Allak.Upp.Nr. 660059

Postboks 269
3900 Nuuk
Oqa. (+299) 34 50 00.
Allak (+299) 32 47 04.
E-mail: apnn@nanoq.gl
www.nanoq.gl

kingunerisaanik pisortat tapiissutigisartagaat atorlugit qulakkeerinninnissamut Naalakkersuisut periarfissaqanngillat.

Aalisarnermut aningaasaliissutininut immikkoortitat pillugit Inatsisartut inatsisaata allanngortinneqarnera pillugu Inatsisartut inatsisaat nr. 13, 2. december 2009-meersoq naapertorlugu angallatinut 75 brt ataallugu usitussuseqartunut sequtserinissamut tapiissutinik tunniussinissamut periarfissaqarpoq. Taamaasillutik Naalakkersuisut angallatinut 75 brt sinnerlugu usitussuseqartunut sequtserinissamut tapiissuteqassallutik periarfissaqanngillat. Angallatinut 75 brt sinnerlugu usitussuseqartunut tapiisoqassappat, inatsisitigut allannguinnissaq pisariaqassaaq. Tassunga atatillugu ilisimatitsissutigisinnaavara, Naalakkersuisut inatsimmik allannguinnissaminnik massakkuugallartoq pilersaaruteqanngimmata

Inussiarnersumik inuulluaqqusillunga

Ane Hansen